



Macluumaad Muhiim ah oo Kusaabsan Baaritaannada NLRB ee Shaqaalaha Soo galootiga



Xeerka Xiriirka Shaqaalaha Qaranka (NLRA) ayaa badanaa ilaaliya shaqaalaha ganacsiga gaarka loo leeyahay, iyadoon loo eegayn xaaladdooda socdaal. NLRA waxay siisaa shaqaalaha xuquuqda ah:

- Sameynta, ku biiridda, mise caawinta urur si ay uga wada xaajoodaan mushaharka iyo xaaladaha kale ee shaqada.
- Kala hadlidda mushaharka iyo xaaladaha kale ee shaqada saaxiibada shaqada, ururka, xarunta shaqaalaha, wakaalada dawladda, warbaahinta, mise dadweynaha.
- La qaadasha tallaabo wadajir ah saaxiibada shaqo si aad isugu daydaan inaad hagaajisaan mushaharka iyo xaaladaha kale ee shaqada.
- Doorashada inaad ka qaybqaadan mid kamid ah tallaabooyinkan.

Hoos waxaa ku yaal macluumaad muhiim ah oo aad ka ogaan karto hannaankeenna baaritaanka qarsoodiga ah:

- Maxaa yeelay xaalada socdaalku kuma xirna haddii uu jiro xadgudub NLRA ah:
 - **KUMA** weydiin doon-no xaaladaada socdaalka.
 - **UMA** baahnid inaad nala wadaagto wax macluumaad ah oo kusaabsan xaaladaada socdaalka.
 - **UMA** baahnid inaad la wadaagto macluumaadka kusaabsan xaaladda saaxiibadaadii shaqo ee hadda/hore.
- Waxa kaliya oo aan dhaqan galinaa NLRA oo **Ma** jirto ku lug lahaansho ku aaddan fulinta sharciyada socdaalka.
- La **MA** wadaageyno wax macluumaad ah oo kugu saabsan Waaxda Amniga Gudaha (DHS), oo ay ku jiraan Laanta Socdaalka iyo Dhaqangalinta Ilaalada (ICE), mise hay'adaha kale ee socdaalka, ilaa aad codsato in aan la wadaagno macluumaadkaaga si aan kaaga caawino raadinta gargaarka socdaalka, sida lagu sifeeyay barta ugu dambeysa ee dukumeentiga.
- Haddii aad wax walwal ah ka qabtid imaanshaha xafiisyadeenna sabab kastaba, fadlan kala hadal Wakiilka Guddida ee kiiska loo xilsaaray wadiiqooyinka kale ee ka qaybgalka baaritaanka, oo ay ku jiraan qaadashada dhaartaada meel ka baxsan xafiiskeenna mise muuqaal ahaan.
- Baaritaannadeenna waa qarsoodi, taas oo micnaheedu tahay in **AAN** loo shiigi doonin dhaartaada shaqo bixiyaha, ilaa aad ka markhaati furto maxkamad, mise aan raadinno amar maxkamad fadaraal ah.
- Haddii aadan ku qanacsanayn inaad nagula hadasho Af Ingiriisi, waxaan samayn doon-naa turjubaan diyaar u ah inuu ku siiyo caawimo iyo macluumaadka luqadda aad doorbidayso.
- Haddii aad ka warqabto in shaqo bixiye mise urur uu ku kacay mid kamid ah habdhaqanka soo socda, fadlan u sheeg wakiilka guddiga sababtoo ah waxay jabin kartaa sharciga:
 - Ku cagajugleynta in la waco DHS mise ICE mise cagajugleyn kale oo taas lamid ah sababtoo ah adiga mise shaqaalaha kale inaad faraha kula jirteen hawlo urur mise fal wadareed kale si loo hagaajiyo xaaladaha shaqada.
 - Weydiinta shaqaalaha inay bixiyaan dukumeentiyo/warqado socdaal oo cusub mise la cusboonaysiiyay mise dibu xaqiijinta ogolaanshaha shaqada shaqaalaha iyadoo aysan jirin sabab sax ah, aan takoor lahayn, taasoo ku xadgudbi karta NLRA mise sharcio kale.
- Haddii, dhamaadka baarista, aan go'aaminno inay jirto wanaagii lagu soo oogay (shaqo bixiyaha mise ururka waxay ku xadgudbeen sharciga) oo ay tahay inaan ka dacwayno kiiska hortiiisa Garsooraha Sharciga Maamulka, waxaan samayn doon-naa dadaal kasta si aan uga hortagno shaqo bixiyaha mise ururka shaqaalaha inay ku weydiyaan xaaladdaada socdaalka.
- Haddii aad dacwad gudbisay mise aad markhaati tahay oo adiga mise wakiilkaaga ay noo sheegaan inay jiraan hawlo la ilaaliyay oo NLRA ah oo ka jira goobta shaqada iyo gargaarka socdaalka waa lagama maarmaan si loo ilaaliyo shaqaalaha xuquuqahaas isticmaalaya mise ka qaybqaadanaya hannaanka NLRB, NLRB ayaa tixgalin doonta raadinta gargaarka socdaalka ee shaqaalaha goobtaas shaqada oo ay ku jiraan tallaabada dib loo dhigay, sii daynta, heerka U mise T Visa, mise gargaar kale sida la heli karo oo ku habboon. NLRB ma bixin karto talo socdaal. Haddii aad u baahantahay la taliye socdaal, liiska bixiyeyaasha adeegyada sharciga ee bilaashka ah ayaa laga heli karaa halkan: <https://www.justice.gov/eoir/list-pro-bono-legal-service-providers>.

Wixii macluumaad intaa kabadan oo kusaabsan NLRB, fadlan booqo shabakadeenna, www.nlrb.gov.